

靜

嘯

齋

存

草

靜齋存草

卷之八

寒二竿草之三

次溫長卿宮詹作至子夜歌計七十五首

靜齋存草

目次

靜嘯叅存艸卷之八

董斯張遐周甫著

西吳

韓曾駒人穀甫訂

次韻酬溫長卿宮詹見寄作

唐

晴湖呌月醉秋深穆穆風期尚可尋  
洛浦有懷携翠羽淮南無術變黃金  
高冠一旦逢人疾空谷今朝快  
子音知我若非劉尹在  
爐霞傲骨久銷沉

題陳孃壁

忽憶前身夢裏曾  
野田風急臂韉鷹  
那知乞食裴丞

相猶有豪心壓五陵

茗水舟中戲贈

酒盡燈殘暗有期  
擁衾坐促故遲遲  
清溪後日懷人夜  
記得芙蓉欲謝時

過張實父齋頭留集同范君輔楊若水

一坐便彌日留連亦友聲  
閣依船畔柳湖寫鏡中城  
深語賡啼鳥高天出晚晴  
更爲侵早約三塔寺前行

楊若水招同戴孔璋張實父陸叔度王秋朗范君輔楊校書集鴛湖舟中作

新寒歲蚤氣快雨夕菰塘有女雲同泛徵懼客未央  
艷將凌碧玉凝與借玄霜別舫流清吹如翻夜度孃

陳廣文壽言

華髮無機事都令俗韻除雄飛還昨夢授講亦蘧廬  
盤菴登山菓堂鱸辨海魚胡盧五斗粟鄭重滿籬書  
嘉木方知息浮雲且遂初細君偕子老愛弟得兄如  
神就松風遠顏將菊醕舒爲隣並多暇鳩杖待招予  
庚申歲杪舉一雄孝若舅楊若木稱詩相賀各

酬一章

歲晚星回夜向明  
槽紅初熟命蘭生  
呼翁不信人難老  
將子還如我復嬰  
若較風華羞阿士  
儻餘紙墨乞彌甥  
無愁婚嫁從今始  
與筍還能逐舅行

酬孝若

驚瞋婢忽報生芝  
雪在中庭粲玉蕤  
杯水萬言余已誤  
桑弧蓬矢亦何爲  
螺成九子奚珪墨  
水剪雙瞳李賀詩  
三十五年纔作父  
消人膽氣白盈髭

酬若木

### 雜興四首

辛酉

時學顏公乞米每  
如鄭客夢蕉應世  
儘教呼馬逢人復  
稱貓

其二

豈是若平營卦何爲日日下簾書簾半歲貝葉箋隨  
或瀉金盞

其三

折脚鐺如笑我空心竹也驕人任汝紛披萬象從來  
不到一塵

其四

樹與新波爭綠人如初月約黃漁舍一燈泊岸夜沉  
獨照殘妝

題沈君善祝髮小像

取影秋燈態亦狂  
樵青偶見費商量  
世間何處閑禪客  
眉眼分明一沈郎

題朱文孚樓居二首

層構倚空碧  
喧塵了不干  
塔花當樹隱  
帆雨帶橋寒  
平野真成曠  
餘春好共看  
儘教簾夜卷  
林月儻檐端

其二

不藉南樓勝  
其如展眺何  
黛深初借柳  
香動偶分荷  
欲喚遙山入  
時徵曙鳥過  
亦知玄賞處  
漁唱落澄波



明君詠六首

憔悴長門怨履綦已非初入漢宮姿  
做成千種寢愁夢不料胡塵妾面吹

其二

鈿蟬零亂拂黃塵短劔重貂恰稱身  
縱是相逢南去鴈上林書欲寄何人

其三

醉眼低垂曉夢餘新調獵馬試長裾  
單于不解人傾國只道宮妃盡妾如



其四

幾回歇馬上秋臺壓得蒲萄強一杯可惜崑崙山下  
水也隨轉望向南來

其五

撥罷鵾弦咽短笳聲聲和淚落龍沙妾身願化子闌  
玉儻有精靈到漢家

其六

辮髮胡雛作侍兒喚開氍毹帳點脣脂邊頭似有南中  
耗不斬賢王斬畫師

蠲金行爲外舅中丞沈公賦

吾聞上天愛道地愛寶披沙揀金安得豐先朝雌蜺乍圍日採推四出山爲空梁州貢額倍其舊萬物未秋摧烈風傾巖枯澤不遺力豪吏督責妄自功帝心或望標陽雨地脉幻想神丁通傍求隴蜀苦未給鬻妻質子傷蜚鴻此金一鉢血一滴駟猶乘之恣蠶食竹筴空埋帝子陵爲蛇別媚將軍色遙遙日下虎豹關遠人悲號聽如塞朝廷浩蕩亦何有羣小媮阿不遑飭

璽書命公來撫滇威稜遠讐西南偏碧雞

峰齊神不出黃茅瘴淨池無煙高牙建後絕烽警夙  
夜念汝民危顛千言抗疏動天意精金歲入俄半濁  
有如山谷苦焦涸一朝靈澍飛平川又如沉痾未能  
起神藥寸匕形氣全滇民此段公更生公不自有歸  
聖明百年苛政去如剷萬里保障騰歡聲比來  
遼藩東委賊大吏袖手小吏驚徵兵添餽勢無已中  
原號澤愁難櫻吁嗟九牧盡公若普天匝海皆長城  
先王父手評史漢二書向在家仲所逸之數年  
遍求不可獲張三文通忽覓取見歸深喜爲作

歌

高篇卓犖懷吾祖遭遇漢皇真好文海虞之嚴維揚  
李崛起振厲爲風雲並時鼎列三史氏西宮賜馬天  
下聞每奏一篇上稱善褭蹄中使頒紛紜投簪

以來公漸老昔者常爲賓客道一生幸得史遷力班  
祿遺書亦傾倒少年讀書蘭若中夜挾之眠晨諷早  
初時桷鑿終砉然如蘭爲絲緒堪討亦猶神禹鬣枝  
河導歸滄溟波浩浩古今神契竟何隔俗士浮心苦  
難了卅鉛摺撫五十年三日不讀心如擣嗚呼祖德

猶可述後來視之殊草草酒卮羽化定非急厨畫朝  
飛使人懊變遷遂入張郎手購以十千若琛寶張郎  
十九攻先秦霜蹄乍試今軼塵舌鋒不掛田舍字仿  
彿欲見凌雲人有時白鳳入清曉竒藻散作天花春  
獨憐先世喪其實携書歸我澤若新芸香燈燼恍可  
識怒貌渴驥光爛璘衛公錦袍魏公笏舊觀頓復疑  
有神發函長跼誦且泣感君素氣干清旻先公不亡  
腐史活精采烏奕叅星辰飲君濁醪夜語快文業盛  
衰升可循眼前安用爾許物龍門當世疇復珍永鮮

馬怒競相笑低頭露坐皆具倫漢書數行酒一斗蘇  
子無乃君前身唾壺不減漸離筑別我東歸震澤濱  
冷風拂衣醉眼濶霜華一屋雞號晨

送周虞卿遊燕歌

憶昔北還際商飈君送予無何君亦倦跨馬歸里閭  
病妻覓晨飧幼女牽敝裾一笑不相答低眉臨法書  
吾家阿兄天下士氣誼各各如璫與往者憐君未能  
家贈之百畝中田廬掉頭謝公長者意滅竈更燃吾  
亦如晚食可以當肉緩步可以當車至今餘一身臯

廉恒質居其厨無聚蠅其壁有蠹魚嗟哉鄭莊不作  
崔瑗死終古畸人竟誰是羞子平日空鬚眉坐看交  
知貧至此吾欲入山獵無力張駢弓吾欲入水漁輕  
舟畏飄風叔山兀者影自笑莊叟憊耶途欲窮救饑  
少筭略似汝骨肉棄置文無功此邦之人富驕我入  
君眼中無一可逢人磬折終不能舖糟啜醢二豪螺  
復思燕趙古壯遊買舟獨行雪吹柁問我何以別問  
我何所論贈君以言非以軒台袞折衝有神略山陰  
賭墅風流存濟川老手色不動犬羊撲滅猶燎原但



謁相國門勿獻兵家言古人善易不論易腐生筆舌  
空爲煩日從相君酌名酒欲呼曾連起爲壽布衣遊  
戲無愁貧蹈海先生今未朽君不見東家誇鼎食不  
知一事唯錢癖王孫餓死無復憐局鑰眞爲群盜積  
爲君多釀石凍春須君歸日澆京塵予能勿藥君不  
貧此生只學漢陰老望衡對宇懽情新握手長傲商  
顏人

東孫孟樸二首

江潭當日意直欲似君深前古足知己半生無恨心

湖山招獨往婦子病高吟只此有微趣空烟期共尋

其二

翻憎爲雨後珍妾若蘭若容易薔薇落金爐燼未消  
郎如江上信三日不來潮吹得征蓬轉秋颺止可邀

孟樸有所懽  
深小玉之怨

壬戌首春病足增劇漫興十絕句

欲尋無事轉支離盤裏椒花又一卮不去人間求分  
外吳儂勿笑右軍癡

其二

雪片無情打夜窻奇寒差賴酒能降誰憐小宋唐書  
手呵凍題詩伴曉缸

其三

久雨天晴亦可欣一溪水解漸成紋何緣借羽三青  
鳥扶病空巖拜白雲

其四

偶看庭樹喚童扶隣叟初逢問底癰傳得異方云可  
起由來意苴勝明珠

其五

初更不睡燭添煤小婢擎茶帶笑來今夜月高前夜  
雪黃梅謝得玉梅開

其六

大難携酒聽郊鶯誰代狂奴憾不平句曲若逢真宰  
相蒲輪先遣賚門生

其七

貂參遼海只傳聞那得刀圭一贈君轉恨南冠老司  
馬屬餽未謝杜將軍

其八

平原枉斷美人頭樓上多情笑未休  
馬足車塵任公等繩床竹椅我菟裘

其九

都梁供佛宗家譜惟石貽僧蜀客風半榻高眠俄失  
笑稚兒學語數呼翁

其十

拈筆繡書坐不閑已聞庭際暮禽還但教日中晷蘇  
酒合眼分明鄧尉山

片石主人茗僧也索詩口占一絕贈之

斫取雲根一片幽，峴山之麓碧湖秋。  
偶然會得三生意，不待談經也點頭。

靜嘯齋雜詠十二首

梵書

占錦出珠笈，散花課晨誦。似遊菴蘿園，二士談初共。

盡菖蒲是宣廟御筆

剡藤掃微綠，龍跡真軼羣。至今九節香，還帶空同雲。

水仙花

碧葉冰霜餘，老梅未能發。那知紙帳外，檀暈吹瑤雪。

許君贈予何首烏植之庭

神枒誰相授丹砂餌詎能朝來欺素髮已種夜多藤  
竹床

巧斲淇園菴曲肱正吾事一枕無此君猶非古  
江陰鐵如意

良鐵不成劍鍛之佐蒼塵持歸明眼師坐使千花雨  
筍羹

遠知西山竹抽簞亦未盡不及飯青精淪泉自燒筍  
古英石研山

青明三月不  
離離峰十二將掩仇池綠窪者沼其旁墨痕滲玄王

藥鑪

大還真可鍊石鼎沸晴春不置空齋下寧無竊藥人

紙糊窗

膩粉置窗側衣之高麗繭短簷風任吹深夜月長展

聞孤鴈感悼

爾亦何爲者哀鳴憶故儔延平津上月携子聽西樓

瘦杯

枯根理如錦自然成酒杯誰當頽王後惜此輪囷材



續漫興十七首

殘蠟猶餘除夜淚無端野鵲奏新春  
蓬門爆盡前庭竹貧鬼公然不避人

其二

病長萬事盡匆匆覓得醫來又苦  
龔縱授鼠膏東晉帖爲予謀拙爲君忠

其三

紙窗半已挂晨暉一朶梅開蝶便飛  
錢在杖頭貧未了魚籃買却放生歸

其四

濁酒呼童不肯酤  
吾家僮約未模糊  
江行邂逅張公子  
捨盡從前偃蹇奴

其五

階草剛來半藥苗  
鼎中湯候手能調  
閑人睡慣休生惱  
停免乾坤幾折腰

其六

千縑買字狂生在  
二婢償詩黠客能  
兩卷古詞裝背  
好新年要施募緣僧

其七

到眼縑緗力漸昏  
胡僧傳呪倦來溫  
繡成彌勒熙怡笑  
一盞琉璃過上元

其八

徐媛落筆要吞吳  
秦女橫戈請擊胡  
學劍學書淹歲月  
一籌贏得幾莖鬚

其九

俠場習氣消難盡  
病眼時時看佩刀  
聶姊不存還有母  
一身未許五陵豪

其十

半月入春寒尚深  
星星驟覺鏡邊侵  
從教恠柳生人  
肘自有青松證我心

其十一

卑梅莫厭雨中看  
幾點苔文綠未闌  
何事殺機今年  
發南風不競爽初殘

其十二

白舌勞勞強作歌  
成蹊桃李竟如何  
築壇欲受詩書  
庶乞取秦皇領羯磨

其十三

雙腕休誇筆硯靈  
祇今赤手待參苓  
宵來斗極橫簷角  
不見天邊第八星

北斗有九星見第八第九者其人壽

其十四

花信重重枉著情  
玉蘭樹下不能行  
文章倘得瘡痂似  
也有劉邕嗜一生

其十五

鄒家兵曹那可起  
劒舞當今誰大娘  
疾書短歌倩人錄  
不早問余余已忘

其十六

袖挾靈風夢曉霞微聞流水有胡麻西山白鹿荒消  
息悞盡春雲萼綠華

其十七

匡廬丹竈儘荒唐背苦春寒炙日光不許桐君有藥  
色吾師西國大醫王

戲柬長文

村雨掩門住屋漏永如沐一事能前知來朝飯無肉  
元常姪奇疾數年復苦內妬貽之以詩

已憐皇甫痺更學仲長淸揮涕遣待兒知郎非石心  
玄宰先生寄示古觚卣二種問余所藏黃文節  
趙文敏書先生不其喜兩家書茲豈其戲耶寄  
此博笑

方觚鑄蕉葉翠若黛初掃卣銘數十字古籀讀徐  
遠從雲間落盥手撫清曉精光照茆屋置我周秦宵  
遙知舊陵墓野露泣榛草生來古癖深藏帖殊恨少  
吳興行茂密雙井勢夭矯來經天籟閣墨彩尚鮮好  
君言欲得之博以兩奇寶假許壁可輕易馬石能討

君書薄虞褚茲語似相黜二老見君書流涕故應早  
厭肉而求蔬貧士不得飽有如故人聚將別心更懊  
獲奢吾豈敢開眼爲君道法書與奇玩沉溺盡煩惱  
終爲誰氏物聚散一飛鳥貞心不重嫁古貌足娛老  
玆惜故名癡貿遷亦成擾何如任其常疆里請自保  
玄宰先生以奉常內召於其行也餞以小詩

江梅看放盡然後送夫君老就長安日春携海上雲  
祈年西漢鼎耀古北郊文太液花殘未遑天一遣聞  
送中太僕玄渚先生北上二十韻



中台詹瑞彩北斗熒貞符羽翼元良重安攘內外孚  
克家宗子事求舊聖王謨伯同方新命玄成復  
大儒簡書嚴日月謀國奪江湖雨積淹堤柳烟澄出  
渚蒲輕裝浮雀舫清吹雜驪駒韎鞞豺聲橫巴邛蠶  
尾孤壯猶今倚藉妖祲立教驅徵調先危蜀飛漕且  
敝吳邊籌無上策箕歛豈良圖所恃三朝老徐燭萬  
姓痛心懸惟有赤功奏敢辭膚方略明庭秘勲名太  
史鋪玄黃銷戰伐堂構廓規模廟筭熊來卜家聲鳳  
得雛交知鄧國士下問逮狂夫花訊愁支枕榆關怯

荷戈饒歌遙續漢千舞欲漂虞感別靜空拊何人肯  
棄繻

卽事書懷寄呈千秋沈使君

使君幾歲臥溪霞金帶一腰懸酒家閑中未謝綺語  
業遠山研墨題春花使君胸中無不有天公妬才亦  
非偶余無一長病亦如霜葭微詠行次且未能共飽  
金盤鱠終期揚摧玉杯書

東友人

人俗頻遭罵清音自可操尋僧猶載酒覓句欲如騷

雨爲鶯花慮春於秋屢豪寧知孤坐客窗紙片仍高  
春暮楊若木王秋則過訪齋頭孫孟樸吳驥如  
趙長文陳校書同集分得兼字

不因知己到何日起湘簾燕市人相向東山月必兼  
歌弦垂手艷觴政畫眉嚴却妬宵闌易輕橈未肯淹  
無題三首爲秋朗賦

芙蓉慘澹蝕秋霜幾許鬚眉具熱腸只有孽賤人不  
薄鯉魚亭苦喚三郎

其二

笑指文鴛戲白蘋一痕紅玉擁殘春別來無夜無卿  
夢枕畔纔知夢不真

其三

求凰兩字出清琴償盡三年恨恨深但得蕭郎龍作  
性碧雲如妾照雙心

張實甫一歲舉兩雄

樹背花名鹿春秋次第生刻璋慄與弟留髮短於兄  
步學微先後啼嬌宛唱廢携將雙玉抱流睇妬難成

子夜歌七解

歸船日未晏芳蓮采盈把紛紛遊冶郎駐車復停馬

解一

駐車亦何爲看儂兼看郎舟中有芳果若個敢先嘗

解二

人傳中閨妬儂聞故成喜儂家如此郎那得無妬理

解三

春嬾無心情百戲不關目何以共爲娛纖脣喚雙陸

解四

錦衾橫曲房只儂兩人在夕燈何熒熒似妨儂作態

五

儂爲久長慮願得天下無二女無暮亦無朝長夜但

陪汝

解六

飲酒勿飲醕佩玉勿佩玦任是風霜儂不知南湖有

紅紫

解七

靜嘯三存艸卷之八

終

靜嘯齋存草

卷之九

寒竿草之四

賦得漁歌入浦深至孟朴到計六十三首

靜嘯堂存艸卷之九

西吳 董斯張遐周甫著

韓曾駒人穀甫訂

賦得漁歌入浦深

所之亦不遠聲已別前汀一闕水村盡幾重煙樹青  
懸簑誰物色和笛漸空冥歸路猶能記鳬鷺散若星  
孫學憲舉子詩以代喜

藥籠收盡越江南早夢瓊閨似蔻含試問碑成誰刻  
婦不知卦就巳中男公餘讀令雞初乳客賀誦書鯉



百函曾入若鄉嘗橄欖小名試可錄餘甘

壽隱者龔君

無復古風氣緣君識太初清機通奕旨冥解契方書  
酒德老能見山情貧不踈秋烟洞庭滿一棹又何如

賦得水深魚極樂十二韻

潭尺不知幾淵潛類賈巖風行川上渙大在水中央  
隔澈聞垂釣浮鷗總坐忘分行緣行亂爭啖爲花忙  
比日無蓮礙雙鱗適茨當豈妨宵擁婢儘可日隨王  
幻化欣微禹防寒喜就湯嬾飛空雨黑狎影且鷓黃

倚出聽調瑟從容倦作梁五雲閒戲絲千月醉啣芒  
子散粲同座朋來懶遠塘樂哉誰得似七十二鴛鴦  
村菴中摘藤花爲蔬

研朱露點斜拈出梵王家已見色成味誰歟舌上華  
傾筐分紫雪入甌屑靈砂客莫歸盈袖留餘飼暝鴉  
燕雛

待哺爭窺幕隨行試啄泥盧家梁畔住自小恨單栖  
新荷

亭亭剛出水秀擢葦蒲中捧亦無多露搖纔昨夜風

夕芳徐可攬池碧待成叢欲報江南女遊魚漸葉東  
曾君山客祇園寺却寄

鴛渚釣初歇精廬借僧住采木何處來危坐松窻暮  
新霽未出門梵唄聽成趣嗟彼塵中子膠擾百憂屢  
翻來譏寂莫請君還自顧客去吟小詩殘紙作枯樹  
睡餘息深深醉象調已素昨夜鬼神覩猶嫌歲未同  
居山曾  
有異夢

答潘客靜見懷

斜橋墜月猶在眼小艇深溪空自違閑與兒童聊種

藥懶憑鷗鷺日窺扉寒山石幸強人意竹葉春誰共  
夕暉聞得苑咸精楚學涅槃三點可參微

秣田行贈范君輔

方生以後林生前奕人競說湖州范當其隨手落子  
時迅機歛發如絲斬敵手窮思欲相勝廼以一葉衝  
巨艦新安大賈尤善之以奕師君君不辭篋中睹得  
奚家墨往往貽我題新詩閑來沈飲仍縱博燒燭向  
曙無言疲勝殊不喜敗不愠家人歲晏猶葛絺今也  
買舟過吾里呼之漠然笑而視自言初春客桐汭山

中病癰幾不起病起特焉聾兩耳人生老病刹那間  
請君無爲戚戚爾但使有園可瓜田可秫更何必鳴  
箏與調瑟畫梁雛燕別作巢曲沼新荷漸成實秭將  
坐隱淹白日耳目之官用其一獨不見終年蹙蹙瘦  
居士醉裏還能揮秃筆

浮梁陳宗師遇張以國士茲得太僕新命忽  
有訃音痛百恒情詩以代哭

吾師不出蒼生憂吾師不死蒼生瘳賀者在門弔在  
園師同爲哉無少留張昔鍛羽已酉秋召之長揖禮

不繼師云塲屋猶對博雉盧轉色如鬼謀古賢何事  
不能辦微言雋永差可求須臾華落骨隨腐一第那  
足驕其儔賜茗論文快師意師也乞歸張病領何年  
不得饒州書何書不下高秋淚鉛華叢裏無美人傀  
儡塲中無俊民龍門何以傳李廣古來相士多失貧  
靈之來兮湖靄清河東筆碎花冥冥獨偕樵唱携焦  
尾彈與高山流水聽

酬陶中聖

蒼白禽無啗爲君歛秋夢求古懷似淫商時語皆痛

子夜窮周髀一書箋禹貢棘路不可及誰林泊青鳳

雜興四首

東行得弊石其字曰無直黃金爲之橫翠羽萎蕤飾  
璇臺累九成高宴誇賓客自非七日戒疇可期一覲  
茲石何足珍爭心此中息驪龍無領珠誰由伺吾隙

其二

結繩俗于于文字亦何驚不得已用之枝盛本先懼  
所以倉頡臺靈鬼泣而聚云何濮陽子呼喻生雲霧  
千金懸大國一字易無處達人旁睨之學語類嬰瑞

生平一酒頌劉伶識其故

其三

初商鷹始厲枯槐無螻鳴置酒當前軒遙山翠縱橫  
往時憶君別桃李猶飛霏磐石有傾年逝湍靡還聲  
古之不朽三方彼石火明一燈炳玄夜歷歷燭疑情  
觀慧儻未成嗟哉忝爾生

其四

晚路學躬耕一飽心不薄幸當蠶熟餘亭午課力作  
微風與餉來冷然釋焦灼有客過道旁冠服粲璀璨



青  
卷之六  
揖余談且笑高衍皇王略黑水乍羨沸嶧山猶冶躍  
策馬恐後時酬國靡宿諾急病昔所賢君子羞一壑  
卿自用卿法去矣無吾落

酬陸叔度詩

大地蕉鹿場鐘鼎咄何有靈文闢造化南離當北斗  
端爲瑞世物鳴周祗其偶滄波適無宴綦組亦離紐  
繁音蕩遺則無力殪羣醜方舟創投分歎此詎勝口  
引燈耀珠艷如日在新柳聲歌間談諧我醉不開酒  
氣澄暝湖白煙寫寒林厚高篇中坐出餘勇叱山走

兔園遊故薄漆室懷仍剖子才轅徐庾推許欲雕朽  
小年曾學賦乙乙珍敝帚沿尋稍知歸沉疾復相狙  
枯魄有餘痛洗心托林藪智刃慙日新淵暉尚纏垢  
中區子架學繫表余獨取理均鮮殊軌弦匏繹秦缶  
玉緘馳驚驚冰霜各靡負清言亮何許吾其臯蘭後

寄徑山聞禪師

簪冠傲岸越谿濱平楚蕭蕭際夕曛鳥或倚巢私作  
篆蟲緣禦木偶成文睡蛇欲向閑中斬渡象誰知定  
後聞簷畔叢花有消息到今慚愧見靈雲

溫長卿以宗伯兼領史局歌以送之

二十無聞一狂者湖上逢君入秋社傾心相向兩不  
言日氣青蒼霜灑灑對君岸幘復長嘯禮數寧爲我  
輩假論詩啜茗初夜分談快千迴呼玉笋生公石上  
蘇家隄何處聽歌飽游冶留連豈落兒女態感慨遙  
令古人寫拏舟送余今幾時谿聲宛在浮圖下余嗟  
已廢無可言君亦暫爾娛丘樊爭席尋常聞野老客  
來頻乞南宮草帝方側席思賡歌寅清有命新  
嵯峨君行遲遲無不可青海尚腥其柰何賤子不能

與君北晴江祖帳君爲客岸花羃歷搖紫煙解袂青  
林鳥將夕謁罷承明拂几塵侍兒然燭留餘春淋漓  
灝氣兩朝史墨兵字字垂琳珉其間要立逸民傳寫  
寄吳山求藥人

歲盡

狗屠起爲雲託崇身不卑延鄉侯婦女何況勝下兒  
中有四老人商歌自龐眉胡爲鶴馭招西曷銷鴻儀  
含生有本懷潛躍爭自持鼓舞一氣中均爲營所私  
苟其入驕餌龍魚匪參差吾生漸非壯召客時圍碁

榮落亦何恒局散旁未知歲盡意多暇庭暄鳴鳥時  
早輪來歲租幸與府吏辭挑薺微着鹽命妾晨作糜  
初日半松牖危坐游清夷往途積深悔履坦物莫欺  
簾金散諸子著書多詭詞陸生獨何人余思夢見之  
癸亥元日元常侄新得一雄喜極成詩

將雛昨已奏新腔暖透新枝冷忽降青帝遣來人第  
一黃童應聞日無雙誰敲栢子先春釀早訝宜男近  
雪窻魯國預聞臧有後兄魂不賦汨羅江

辱朱相公冒雨問疾小齋偕虞卿長文留集

木蘭花老誰相期車騎到門人不知病中垂訪蒼蘚  
滑酒次賢歌黃鳥遲中根上根藥草雨三日四日幽  
風詩東方儘可了公事儻許張玄來對碁

和孟樸贈姬人

越衫新翠拂桐陰乍舞涼州客醉深何事撩人如許  
熱冰天擬喚辟寒金

其二

虬燈微微纓欲墜曼歌半停鴛轉媚石作郎心恰化  
綿郎手初粘眉上翠

茅止生以胄子卽戎歌以壯之

住宿長安共君語不愁少文愁不武九邊都作女子  
氣列陣誰鳴大將鼓普天瑟縮空鬚眉六藝乘之勇  
難賈匈奴自哭煙支山兩司馬氏生其間長刀大戟  
毛錐子雌雄氣運殊相關可憐此語若隔世老盡漢  
宮雙碧鬟用之爲虎不用鼠從來英物何可閒君愁  
東事真草草遠左寒燐成馬瑙手持千里授羶羯尚  
方劒錫霜花老鐵騎春飲三岔河雙旌畫捲榆關道  
書生撫髀曉視星扶風歌罷荒雞浩諸將豈盡鳩爲

鷹隼符玉帳非所能孫公識君恨未早薦之草茅君  
就徵白襴却裹綠沈甲謝雕詩手誇先登上書闕下  
臣不避臣肘無掣狄可膺一腔熱血何處灑望氣如  
成丈人卦飛而食肉古有之何以報君馬革話墨緣  
立使東郊開山墳泣向南枝拜誰言虜氣不可摧徙  
兒須得三河材誰言積威猶可劫將軍不謗中山篋  
墨磨盾鼻銘無間爾祖當年定粵如要令得利舌間  
者不讀人間無用書

得外舅司馬公書將屆南都志喜二十韻



縣邈西南城危疆倚重臣百蠻消霧雨萬里正星辰  
救楚包胥哭攘夷仲父仁留樞儲石畫還旆香車塵  
鄰塞仍馳羽遙情劇轉輪書來俄獻歲嶺畔到征人  
臣浸乘驅馳名城驅傳新勲還銘國史忠且護江神  
縹馬將吾土御觴尚及春渚亭偕幕吏村墅或綸巾  
鼓吹新篇壯投壺逸興頻不妨歌月榭恰好枕花茵  
憶昔途猶梗訛言半失真昆明移節鉞建業衛鈞陳  
魚鳥鄉心憫湖山勝事勾折衝期報主高宴遠娛賓  
望盈三稔悠悠嘆一身林深依病翮海大活窮鱗

別淚今茲謝清光只咫尺親自忘霜露疾鵠首語兼晨  
亡兄伯念儀部壬辰以爭國本被放三十二載  
矣茲得尚寶少卿之贈感淚交集成長何二章  
以罷鳴琴泣逝波俄然輦帶及煙蘿先皇遺誥真  
無忝隔世精靈奈汝何臣死不隨春仗馬君恩還  
比夜舒荷試將遺疏齋心閱猶覺風霆亦護呵

其二

先祀當年逐客旌天心似見藿心傾金魚身後曾非  
望玉塵埋餘凜若生浮白汝今誰與共剖丹人恐不

如兄懸知碧血乘箕去也伴前星做月卿

危坐

山笋之季山櫻初飽食危坐中田廬小年四月作燕  
客停馬石橋觀打魚

偶閱舊製有作

拭眼松櫺快夕涼無端入手一詩囊宛如老去姚平  
仲壞衲重經舊戰場

張泰氏於報國倡放生社欣然有賦

入界曠求我迎照藹不殊玄黃自相血靡哲而弗愚

居士平等慈齋心澄物初風澤無二觀心腎爲江湖  
文波停晝梵鱗者還其居解斯蕩析愍至仁消句濡  
中林懸日規萍藻相與舒飛沈在天地往來於一如  
浩焉川上機樂我了非魚

秋暮得陳太始尚寶書作短歌代柬

溪村冉冉成重九猿子長鑱和樵叟吳鴻似帶景陽  
鐘燕霜欲到江南柳故人手書天北來如昨抵掌虬  
鬚開開械三歎換愁骨衣之楚纘澆以醅朱紱龍章  
領風雅微公誰更憐才者豈無大賈懸黃金豈無豪

士談黃馬破書數篋蘆中客十年別公在公臆予病  
漳濱公入山青島荒唐鳳無食春不增華寒不改晦  
雨鷄鳴獨公在彼哉鬼蜮竟何爲河伯空然笑東海  
大子視學羣公隨草野何從覲漢儀隨身只有  
南陽未不負公恩穩臥時

采蓴詩爲鄒氏作

百年一五湖秋蓴竟誰睇斯人倘神告得之葭莢際  
冷爲玄味賞如與逸人儷流目紛有異觸腕轉成脆  
采采筐未盈懼茲素飈逝晴浪濺古魂柔絲胃輕袂

勿復腥鱸腮伊蒲戒方厲吳舫獨低徊寒碧照深巘  
乃知漁商流尋幽不能細

日者楊生喜沉飲索句戲贈眼韻

卯酌辛盤午未醒流觴癸丑憶蘭亭丙科誰醢書千  
軸辰極惟聞酒一星醴罷元王難向戊歌酣都護舊  
成丁試呼二子春爲壽已有嘉肴菜甲青

采杞詩同孟樸

漾舟幸霽餘尋藥及霜首山僮指何物照映青溪  
鱗葉倚交蘆低枝近衰柳纍纍俯瑤實傲我黃菊後

清江雜錄卷之九  
隣岸聞吠雲秋鏡遇誠偶何人蹋霞碎并落采芝手  
投之丹林中字曰駐年酒釀成持寄誰河渚有遺叟

次孟樸茗水道中二律

盡日橫塘路孤懷急雨兼煙重疑樹減谿白覺鷗添  
村姬沽菱米舟人織葦簾君無憶家否眉角寫螺尖

其二

玄駟一何駛漁舸去偶兼晝孤閑語少寒暴短衣添  
逆郭谿如酒層嵐霧似簾與童謀泊處篷脚遠樓尖

孟樸寄篇多闕閤語作三詩酬寄

然燈幾寸髭枯倚樹藤結習未消情一  
憶松陵

日期關心已恁曉蟲悲昏窗似有南潮  
錦帶詞

六三

山橫眼力醒蘭花無恙背寒汀逢君拈出消魂  
西子湖頭夢小青近西湖女子小青者艷而能詩  
不得志以死陸叔度爲作傳  
乞蘭遺校書次孟樸



携行名花托鏡臺秋蘭覓伴也須來莫教韻絕江南  
並不到楚妃頭上開

咏早梅限韻

冷青林雪尚無美人濯魄在水壺  
惟來紅玉風前嬌學吳公試點朱

云紅梅得君句矣梁苑積雪獨無前露消息  
聊再賦此解嘲

問綴花無枝下雙鬟把玉壺携向珊瑚餅裏  
護霞朱

萼臘梅索贈二絕句用前韻

書無碧海涓涓逗綠壺交甫未逢如有

鬪辱朱

一騎無羶心幾朶喚提壺沉香亭下先承  
初年不傳朱

萼臘梅韻五言二首

上弄斜枝低照暝露立香最孤風含萼初孕

地復豈同覓陸夫楚蘭若一時見汝應下拜  
復恨趙少韻不許襲羅浮事得三首

半面先冬日渾如趙凌霜石橋下所得殊不少

碎壁先分趙墮馬斜着簪吳娃癡恨少

其色孤於趙香應壽竊餘不爾何其少  
輔奕

茶乳沸初就頽焉爾枯水深此寒日淺

明窗鳥翻窺如集掌中  
呪閑尋白鶴觀不賄宣城守  
局罷無所爭一笑謝清畫

懷張元長四絕句

落落高吟竹石前  
憶君尋菊共蕭然  
若教奇士蠲奇疾  
西北應無補處天

其二

不能握筭不力田  
但逢異書真可憐  
唐書宋紀亦何物  
肯換梅花草一編

元長有梅花堂集四十卷

其三

寄人籬下便非又老筆分明袖有雲傳得沈青誰個

似河間女子管城君

沈青吳中昔名姝元長曾傳之文奇甚

其四

數點芙蕖露一池遲君舉我別來詩秋中欲和湘靈曲滿眼孫家帳下兒

恨孟樸不肯住

歸亦何所急風篁誰共聞呪教蘆渚月今夜不隨石孟樸語微道意有屬耳爲代嘲

到得郎歸已暮汀下樓凝倚水犀屏采尊采杞真閒

事妾是忘憂草一莖

聞草四首和韓人穀

潤袖春衫小婢隨紅橋尋遍柳青時就中藏得相思子姊妹當前儘不知

其二

弱箏無力撥鬟斜羣姊相携鬪物華貪看潘郎凝欲解不防墜却手中花

其三

覷他輕薄一圍紅作妬還愁少女風生小最嗔司馬

渴問郎可有白頭翁

其四

庭閑人散已微醺  
草拈來問若何縱使徐娘輸一  
着鬪情未必勝儂多

遙贈楊子漸明府入覲

大塊翻海影見自招提生無翼翔何階  
斯繇感者精黃葉臥秋屋下簾  
餌仙經如聞楚國賢異氣流虹瓊  
初稱雒州客倍覺畫水靈愛而不得見  
茲領清溪聲  
致神猜有譜捷於刀發劄灘喧若叢  
頌謁帝道

流征流波豈殊韵滯跡遲合并三竿兩竿竹悅覲君  
儀形王昆昔羈宦剪拂枯我榮鬱屈西南雲驟馬羣  
應盈

久不晤文通矣寄憶四韻

豈曰無衣授山齋空夕氛看花隨菊嬾聽雨及僧分  
前日酒中句杳如湖上雲吳橙寒可剖晴屐但須君  
孟樸到纔知文通病却寄

快讀入茗詩霜螯薦一卮如何秋盡日未見汝來時  
病理有深記閑情誰復持山心真不退澤畔足玄芝



靜賢堂

卷之九

終

靜賢堂存艸卷之九終